



REPUBLIKA E SHQIPËRISË
BASHKIA SHKODËR

Adresa: Rr. 13 Dhjetori, Nr.1 Shkodër, web: www.bashkiashkoder.gov.al, e-mail: info@bashkiashkoder.gov.al

Kriteret e ushtrimit të veprimtarisë së stacionit të Plazhit në Velipojë

Bazuar në VKM nr. 369 date 18.05.2016 "Për miratimin e rregullores "Për kushtet dhe kriteret e ushtrimit të veprimtarisë së stacionit të plazhit" , kriteret janë si më poshtë:

Kushtet minimale të stacionit të plazhit

1. Kushtet minimale që duhet të përmbushë një stacion plazhi në plazhin e tipit A, janë si më poshtë:
 - a) Për çadrat dhe ndenjëset e pushuesve të respektohet një distancë prej të paktën 7.5 m nga vija e bregut të detit;
 - b) Hapësira prej 2.5 m përpara brezit të parë të çadrave të jetë e lirë për t'u shfrytëzuar nga publiku;
 - c) Hapësira midis çadrave (nga çadra në çadër) nuk duhet të jetë më e vogël se 3 m në linjë horizontale në vijën e ujit, si dhe jo më e vogël se 2.5 m në linjë vertikale me vijën e ujit;
 - d) Të ketë në dispozicion të pushuesve 1 dush me ujë të ëmbël për çdo 100 çadra;
 - e) Të jetë e pajisur me shërbime higjienike të paktën 2 për çdo kapacitet deri në 100 çadra, nga të cilat 1 e ndarë në njësi për burra dhe gra dhe 1 për njerëzit me aftësi të kufizuara. Njësia për njerëzit me aftësi të kufizuara mund të përfshihet në secilën njësi për burra dhe gra, duke zmadhuar sipërfaqen e këtyre njësive të shërbimit në dimensione 1.80 m x 1.80 m;
 - f) Të jetë të paktën 2 kabina zhveshjeje për çdo kapacitet deri në 50 çadra. Sipërfaqja totale e kabinave të zhveshjes nuk duhet të jetë më e vogël se 1 % e sipërfaqes së plazhit të dhënë në përdorim;

- g) Të jetë e pajisur me zonën e ndihmës së shpejtë në shërbim të pushuesve, si dhe me pajisjet përkatëse për dhënien e ndihmës së shpejtë për pushuesit;
 - h) Të jetë e pajisur me telefon publik në dispozicion të pushuesve;
 - i) Të jetë e pajisur me kontejnerë dhe kosha me kapak për hedhjen e mbeturinave;
 - j) Çdo çadër duhet të jetë e pajisur me 2 krevatë plazhi;
 - k) Të reklamojë identitetin e subjektit që ushtron veprimtarinë e stacionit të plazhit dhe çmimet për shërbimin e ofruar;
 - l) Stafi që shërben pranë stacioneve të plazhit të ketë uniform dalluese;
 - m) Të zbatojë kodin e etikës globale në fushën e turizmit;
 - n) Shërbimi për pastrimin dhe mirëmbajtjen e stacionit të plazhit të jetë ditor, në mëngjes dhe në mbrëmje pas mbylljes së plazhit. Gjithashtu gjatë orarit të hapjes së plazhit duhet të sigurohet vazhdimësia e pastërtisë dhe boshatisja e koshave të mbeturinave;
 - o) Në të gjithë territorin e plazhit ndalohet vendosja e elementëve ndarëse, gardhe apo të tjera të ngjashme me to.
2. Nuk mund të ndalohet apo të kufizohet në asnjë formë dhe në asnjë kohë, kalimi i publikut në rrugët që lidhin rrugën publike me plazhin publik.
- Subjektet e veprimtarisë së stacionit të plazhit kanë detyrimin për të krijuar kushtet e kalimit lirisht të publikut dhe moscënimin në ndonjë formë të kësaj të drejte si dhe sigurimin e kushteve të kalimit lirisht të personave me aftësi të kufizuar.
3. Në rastin e bllokimit të rrugëve ekzistuese dhe subjekteve ushtruese të veprimtarisë së stacionit të plazhit, Bashkia Shkodër merr masa të menjëhershme për lirimin e këtyre rrugëve vullnetarisht nga këto subjekte ose të ndërtimit të rrugëve të reja, me parametrat e duhur për të mundësuar aksesin e publikut në plazh.
4. Subjektet, të cilat ushtrojnë veprimtarinë e stacionit të plazhit, nuk do të lejojnë vendosjen e shitësve ambulantë në hapësirën midis bregut dhe zonës së çadrave përgjatë gjithë hapësirës së marrë në përdorim.

Kërkesa për sigurinë në stacionet e plazhit

1. Të gjitha stacionet e plazhit kanë detyrimin e vendosjes, mirëmbajtjes dhe ruajtjes së kushteve higjienike dhe të sigurisë, të caktuara në kete rregullore, dhe

kanë detyrë të ruajnë pastërtinë e detit dhe të bregut për zonën para stacionit të plazhit, si dhe ta mbrojnë atë nga ndotjet e dëmtimet me shpenzimet e tyre.

2. Të gjitha stacione e plazhit kanë detyrë të respektojnë kriteret dhe kushtet për sigurinë dhe shëndetin të përcaktuara me akte ligjore dhe nënligjore me aktivitetet e ndryshme specifike që zhvillohen dhe ofrohen në stacionet e plazhi.
3. Të gjitha stacionet e plazhit duhet të kujdesen për:
 - a) Sinjalizimin dhe kufizimin me bova të hapësirës ujore përpara stacionit të plazhit të dedikuar për not, e cila duhet të jetë të paktën 200 metra nga bregu (ku përdorimi i varkave, rrjetave të peshkimit dhe i mjeteve ujore, me ose pa motor, është i ndaluar kategorikisht).
 - b) Sinjalizimin e zonave të përdorimit të mjeteve lundruese për argëtim; zonat për përdorimin dhe ankorimin e mjeteve lundruese me ose pa motor, jashtë zonave të përcaktuara për not sipas shkronjës “a” më sipër, duhet të jenë të kufizuara, duke ofruar vende për ankorim (kalata), vendparkim në tokë dhe bova për përkatimin e korridoreve për afrimin dhe parkimin në tokë të mjeteve ujore me ose pa motor. Në zonat e përdorimit dhe ankorimit të mjeteve lundruese për argëtim aktivitetet e notimit janë të ndaluara;
 - c) Vendosjen e flamujve me shkop: çdo ditë gjatë sexonit të verës, subjekti që ushtron veprimtarinë e stacionit të plazhit duhet të vendosë një flamur në përputhje me ushtet e motit dhe të detit, i cili mund të ndryshohet gjatë ditës, nëse ndryshojnë kushtet e motit apo të detit:

- flamur i gjelbër-lejohet notimi
- flamur i verdhe-notim me masa mbrojtëse
- flamur i kuq-ndalohet notimi

Në shkopin e flamurit duhet të ketë edhe një poster me informacion mbi kushtet e plazhit “Plazh i pershtatshëm për notim”, në shqip dhe anglisht, me shkronja blu. Shkopi i flamurit duhet të jetë 3.5 m² i lartë, i dukshëm në të gjithë zonën.

- d) Pajisjen e stacioneve të plazhit në kulla vrojtimi për çdo 200-250 metra plazh me parametra të mëposhtëm:

Kulla e vrojtimit me lartësi 3 metra

Kulla e vrojtimit duhet të ketë vrojtues plazhi, lehtësisht të indentifikueshëm. Vrojtuesi i plazhit duhet të jetë i kualifikuar dhe i trajnuar për të shpëtuar jetën dhe për ndihmën e parë dhe të punësohet nga subjekti që ushtron veprimtarinë e stacionit të plazhit.

Vrojtuesit duhet të jenë me shërbim gjatë gjithë orarit që plazhi është i hapur

Kulla e vrojtimit duhet të jetë e paisur me elementet që vijoje:

nr. Elementi:	Sasia
Dylbi	Nje
Megafon	Nje
Bilbil metalik	Nje
Barele, barele kosh dhe kollare qafe	Nje
Kuti të ndihmës së parë të pajisur peër t`iu përgjigjur qëllimit	Nje
Kamerdare (rreth shpetimit me diameter 30 cm) bove shpëtimi per çdo vrojtues	Nje
Mjete komunikimi apo telefona	Nje

- e) Çdo stacion plazhi dhe kullë vrojtimi duhet të ketë të afishuar kanalet për komunikim emergjence, si:
- Qendra Kombëtare e Kerkim-Shpetim
 - Qendra Ndërinstitucionale Operacionale Detare
 - Policia e Shtetit dhe Policia Kufitare Rajonale
 - Shërbim i Urgjencës mjekesore
 - Kapitaneria Detare

dh) Çdo stacion plazhi duhet të ketë të afishuar në menyërë të dukshme këshillat drejtuar pushuesve si më poshtë :

- noto vetëm në zonat e autorizuara dhe me sinjalistike
- respekto flamurin dhe informacionin e afishuar
- ndalohet notimi nën ndikimin e alkolit apo drogave
- mos noto nëse ke ndonjë problem fizik
- pusho për një orë pas ngrënies para se të shkosh për notim
- të miturit nën moshën 16 vjeç duhet të jenë gjithmone nën mbikqyrjen e më të rriturve
- mos u hidh nga shkëmbinj apo platforma përveç vendeve të autorizuara me sinjalistike
- ndiq udhëzimet e vrojtuesve (rojes së shpetimit të plazhit)
- mbani pastër mjedisin
- në rast emergjence në det telefoni (numrin e emergjences)

4. Lejohet aktiviteti i dhënies ne qira te pedalonave apo mjeteve te tjera te tjera ujore dhe perdorimi i tyre duhet te behet jashte zones se notimit. Levizja e motoreve te ujit apo te varkave motorike duhet te behet ne nje distance prej 200 m nga zona e notimit. Çdo subjekt që do të aplikojë për kete aktivitet duhet

të jetë i pajisur me lejen e lundrimit për mjetet e vogla lundruese nga Ministria e Transportit dhe Infrastruktura (Drejtoria e Përgjithshme Detare).

5. Ofrimi i shërbimeve dhe plotësimi i kushteve të përmendura më sipër bëhet me shpenzime e mbajtësit të autorizimit të stacionit të plazhit.

Kriteret e përgjithshme për strukturat e stacionit të plazhit

1. Strukturat dhe pajisjet e përdorura në stacionin e plazhit, përveç instalimeve sanitare publike dhe kullave të vrojtimit, duhet të çmontohen në sezonin e dimrit për t'i kthyer plazhit karakterin e tij natyror.
2. Strukturat e përdorura duhet të jenë:
 - a) struktura lehtësisht të çmontueshme, të realizuara me elemente të tilla si druri, panele të parafabrikuara të lehta, mbulesa të lehta, PVC, që nuk dëmtojnë mjedisin në momentin e zhvendosjes
 - b) pajisje të lëvizshme, të instalueshme vetëm për periudhën e sezonit të plazhit dhe të cilat mund të hiqen me mbylljen e tij, p.sh. çadra, krevate plazhi, tavolina, akseset për të shkuar në det, struktura të vogla druri, etj.
 - c) Struktura të sigurt, të kenë sistemet e montimit me bulona, strukturat e shërbimit mund të jenë të përkohshme.
3. Në stacionet e plazheve mund të ketë 3 tipologji çadrash
 - a) Me kashtë
 - b) Me përlhurë
 - c) Tendë kashte apo pëlhure
4. Brenda brezit të shërbimeve mund të realizohen këto struktura: kioskë menaxhimi për plazhin, kabina, shërbime higjienike, depo, kulla e vrojtimit, hapësirë për rojen e plazhit (në rastin e plazhit publik), bar plazhi, hapësirë për fëmijet, hapësira relaksimi me tavolina, hapësirë për vendosjen e biçikletave. Materialet që lejohen të përdoren për këto struktura janë dru, kashtë, kallama, tenda të lehta, struktura të çmontueshme në mënyrë që të magazinohen gjatë sezonit të dimrit të transportohen përgjate zonës bregdetare në rast nevojë.